

# 卷四十二

書名 唐詩品彙九十卷拾遺十卷 嘉靖十六年序刊本  
 撰者 明 高棟 輯  
 卷 卷四十二  
 內容分類 集-總集-各代-唐  
 索書號 集部-總集-35  
 編號 D7841100

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本文影像資料庫 索書號: 集部-總集-35](#)

[漢籍善本文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暝皎月澄輕素  
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪  
 蕭來儀玄鶴紛成列去茲鄭衛聲雅音方可悅

三

新寧高棟編

唐詩品彙卷之四十二

接武中

皇甫曾 二首

送王司直

西塞雲山遠東風道路長人心勝潮水相送過潯陽  
山下泉

漾漾帶山光澄澄倒林影那知石上喧却憶山中靜

劉方平 二首

採蓮曲

落日清江裏荆歌艷楚腰採蓮從小慣十五即乘潮

長信宮



夢裏君王近宮中河漢高秋風能再熱團扇不辭勞

朱放二首

銅雀妓

恨唱歌聲咽愁翻舞袖遲西陵日欲暮是妾斷腸時

題竹林寺

歲月人間促烟霞此地多殷勤竹林寺更得幾回過

李嘉祐二首

春日歸家

自覺勞鄉夢無人見客心空餘庭草色日日伴愁襟

白鷺

江南綠水多顧影逗輕波終日春雲裏山高柰若何

張起

春情

畫閣餘寒在新年舊燕歸梅花猶帶雪未得試春衣

郎士元

山中即事

入谷多春興乘舟棹碧潯山雲昨夜雨溪水曉來深

韓翃二首

漢宮曲二首

駿馬綉障泥紅塵撲四蹄歸時何太晚日照杏花西

又

繡幙珊瑚鈎春關翡翠樓深情不肯道嬌倚鈿篋



耿滯 三首

長門怨

聞道昭陽殿 嘯蛾落葉中 清歌逐寒月 遙夜入深宮

秋日

返照入閭巷 憂來誰共語 古道少人行 秋風動禾黍

秋夜

高秋夜分後 遠客鴈來時 寂寂重門掩 無人問所思

盧綸 十首

和張僕射塞下曲六首

鷲翎金僕姑 燕尾繡螭弧 獨立揚新令 千營共一呼

又

林暗草驚風 將軍夜引弓 平明尋白羽 沒在石稜中

又

月黑鴈飛高 單于遠遁逃 欲將輕騎逐 大雪滿弓刀

又

野曠蔽瓊筵 羌戎勞旋醉 和金甲舞雷鼓 動山川

又

調箭又呼鷹 俱聞出世能 奔狐將迸雉 掃盡古丘陵

又

亭亭七葉貴 蕩蕩一隅清 他日題麟閣 唯應獨不名

長門怨

空宮古廊殿 寒月落斜輝 卧聽未央曲 滿箱歌舞衣

李端 六首

拜新月

開簾見新月，即便下階拜。細語人不聞，北風吹裙帶。

蕪城懷古

風吹城上樹，草沒城邊路。城裏月明時，精靈自來去。

送人下第

獻策未得意，馳車東出秦。莫年千里客，落日萬家春。

晦日遊曲江

晦日同攜手，臨流一望春。可憐楊柳陌，愁殺故鄉人。

溪竹逢雨與柳仲庸

日落衆山昏，蕭蕭暮雨繁。那堪兩處宿，共聽一聲猿。

鳴箏

鳴箏金粟柱，素手玉房前。欲得周郎顧，時時誤拂絃。

司空曙 六首

金陵懷古

輦路江楓暗，宮庭野草春。傷心庾開府，老作北朝臣。

玩花與衛象同醉 其華作  
衛長林

衰鬢千莖雪，他鄉一樹花。今朝與君醉，忘却在長沙。

寒塘

曉髮梳臨水，寒塘坐見秋。鄉心正無限，一鴈渡南樓。

晚思

蛩吟窓下月，草濕階前露。晚景淒我衣，秋風入庭樹。

別張讚

今日山晴後殘蟬菊發時登樓見秋色何處最相思

別盧秦卿

知有前期在難分此夜中無將故人酒不及石尤風

洪容齋五筆云石尤風不知其義意其為打頭逆風也唐人詩多好用之陳子昂入峽苦風詩云故卿今日友歡會坐應同寧知巴峽路辛苦石尤風戴叔倫送裴明府云知君未得去慙愧石尤風司空文明又云不及石尤風計南朝篇詠必多用文未暇億也

張繼

長相思

遼陽望河縣自首無由見海上珊瑚枝年年寄春燕

顧况

憶番陽舊遊

悠悠南國思夜向江南泊楚客斷腸時月明楓子落

丘丹 三首

荅常蘇州

露滴梧葉鳴秋風桂花發中有學仙人吹簫弄山月

聽江笛送陸侍御

離尊聞夜笛窠亮入寒城月落車馬散悽惻主人情

戎昱

別離作一作戴叔倫詩

手把杏花枝未曾經別離黃昏掩門後寂寞心自知

暢當 二首



別盧綸

故交君獨在又欲與君離我有新愁淚非關秋氣悲

登鶴雀樓

迴臨飛鳥上高出人世問天勢圍平野河流入斷山

宿潭上

夜潭有仙舸與月當水中佳賓愛明月遊子驚秋風

李益六首

鷓鴣詞

湘江班竹枝錦翅鷓鴣飛處處湘雲合郎從何處歸

幽州

征戍在桑乾年年薊水寒殷勤驛西路北去向長安

代人乞花

綉戶朝眠起開簾滿地花春風解人意吹落妾西家

感懷間氣集作張繼詩

調與時人背心將靜者論終年帝城裏不識五侯門

贈盧綸

世故中年別餘生此會同却將悲與病獨對朗陵翁

盧和詩

戚戚一西東十年今始同可憐風雨夜相對兩衰翁

容齋隨筆云此詩讀之使人懷然此詩可作也

戴叔倫六首

關山月

所圖  
張洋

月出照關山秋風人未遠清光無遠近鄉淚半書間  
容州回一首送陸三

西南積水遠老病喜生歸此地故人別空餘淚滿衣

三閭廟一作儲光義詩

沅湘流不盡屈子怨何深日暮秋風起蕭蕭楓樹林

遊道林寺

佳山路不遠俗侶到常稀及此烟霞暮相看復欲歸

贈李山人唐

比意無所欲閉門風景遲柳條將白髮相對共垂絲

夏夜江樓會別

不作十日別煩君此相留雨餘江上月好醉竹間樓

柳談一首

江行

繁陰乍隱舟落葉初飛浦蕭蕭楚客帆日暮寒江雨

揚子途中

楚塞望蒼然寒林古戍邊秋風人渡水落日鴈飛天

劉商

古意

達曙寢衣冷開門霜雪凝風吹昨夜淚一片枕前冰

登相國寺閣

晴日登臨好春風各望家垂楊夾城路客思逐楊花

維裕之二首





自君之出矣

自君之出矣，寶鏡為誰明。思君如隴水，長聞鳴咽聲。

楊衡

題花樹

都無看花意，偶到樹邊來。劉須溪云：可憐枝上色，一

一為愁開

張仲素 三首

宮中樂

月彩浮鸞殿，砧聲隔鳳樓。笙歌臨水檻，紅燭乍迎秋。

春江曲

搖漾越江春，相將採白蘋。歸時不覺夜，出浦月隨人。

春閨

長城邊，柳青青。陌上桑提籠，忘採葉。昨夜夢魚腸。

令狐楚

宮中樂三首

月上宮花靜，烟含苑樹深。銀臺門已閉，仙漏夜沉沉。

又

九重青瑣闥，百尺碧雲樓。明月秋風夜，珠簾上玉鉤。

又

楚塞金陵靖，巴山玉壘空。萬方無一事，端拱大明宮。

從軍行二首

孤心眠夜雪，滿眼是秋沙。萬里猶防塞，三年不見家。



又  
胡風千里驚漢月五更明縱有還家夢猶聞出塞聲

思君思二首

小苑鶯歌歇長門蝶舞多眼看春又去翠輦不曾過

又

紫禁香如霧青天月似霜雲韶何處奏只是在昭陽

長相思

幾度春眠覺紗窓曉望迷朦朦殘夢裏猶自在遼西

遊春詞

閶闔春風起蓬萊雪水消相將折楊柳爭取最長條

于鵠

古挽歌

陰風吹黃蒿挽歌渡秋水車馬却歸城孤墳明月裏